

von Wulf Wager

's Geld wird abgeschafft



Leut, Leut, Leut, was send au des für Zeita. Obwohl: D' Zeita send et schlecht, aber d' Leut!

Letscht Woch' hot dia Europäische Zentralbank da Leit-zins auf 0,00% gsenkt.

Domit send Zinsa praktisch abgeschafft. Des fend i ganz schee Draghikomisch. Wie ka mr au en Italiener zum Chef von dr Europäischa Zentral-

bank macha. En Italiener!! Leut, dia Italiener send doch scho von Geburt a mafiös! Des leit bei dene in de Gene. Dia Italiener hend sowieso oi Gen meh: das Fremdgehnn...

Z'rück zom Thema: An großkopfeter Bänker hot neulich sogar gfordert, dass mr 's Bargeld ganz abschaffa sott. Koi schlechte Idee, oder? I kenn welche, die hend sogar jetzt scho kois meh: D' Griecha ond mei Nochbere – Sia wissat jo, des propere 150-Kilo-Prachtsweib!

Dr Chef von dr EZB hot dia Zinsa abgeschafft, damit die Banka meh Kredit vergebat. Der italienische Bachel hot dia Rechnong aber ohne die EU gmacht. Dia hot nämlich die Kreditvergaberichtlina mit Basel 1 bis 20982 so sicher und kompliziert gmacht, dass wemmr an Kredit will, mr dr Bank grad soviel brenga muass - zumindest als Sicherheit. Ja Leut, wenn i Geld han, brauch i jo kois von dr Bank! Ond d' Oma nemmat se leider net als Sicherheit, obwohl dia vier Goldzäh' hot...

Bis näggschd Woch'
Ihr

Wulf Wager

PS: Am Sonntag, 10.4. ben i mit meine Comedy-Kollega von der Schwobakomede en dr Fillerhalle en Leifelda. 's isch schon zemlich ausverkauft, aber auf dr Galerie geit's no a paar wenige Plätz: www.reservix.de

Alle Kolumnen zum Nachlesen: www.woascht.de